



Ang Layang-layang at ang Bubuyog

CH.Molorgere



Bzzz... bzzz... Alam nating lahat ang bubuyog, 'di ba? Pero alam ba ninyo kung bakit bzzz bzzz lang ang tunog ng bubuyog? Noong unang panahon, ang mga bubuyog daw ay may dila at nakapagsasalita.

Maaari din nilang tikman hindi lang ang mga bulaklak kundi ang lahat ng bagay.

Basahin natin ang kuwento ng bansang Mongolia tungkol sa bubuyog.



Noong unang panahon, sa kaharian ng langit, may isang hari na nagngangalang Hanggarid na namumuno sa lahat ng mga lumilipad na hayop. Isang araw, tinawag ng hari ang lahat ng mga lumilipad na hayop.

"Nais kong kainin ang pinakamasarap na hayop sa mundo. Hanapin ninyo ito!"

Mabilis na nagtungo sa kalupaan ang mga ibon, paruparo, bubuyog, at iba pang lumilipad na hayop upang hanapin ang pinakamasarap na hayop na maaaring kainin

ng hari.



Maganda at maaliwalas ang araw. Ang masayahin at mahilig maglaro na layang-layang ay palibot-libot na lumipad na tila nakalimutan na ang utos ng hari. Sa kabilang dako naman ay patuloy sa paglipad ang bubuyog upang tikman ang iba't ibang uri ng hayop.



Kinahapunan, paglubog ng araw ay oras na para bumalik sa hari. Ang layang-layang na walang ginawa buong araw ay nag-alala. Nang nakita niya ang bubuyog ay tinanong niya ito.

“Bubuyog, nahanap mo na ba ang sagot?

” “Oo!” ang nasasabik na tugon nito. ”

Talaga? Anong hayop ang natuklasan mong pinakamasarap?”

“Sa lahat ng mga hayop, ang tao ang pinakamasarap!”



Nagulat ang ibon sa sagot ng bubuyog. “Ano? Tao ang pinakamasarap?” Nag-alala nang labis ang ibon.

“Hindi puwedeng malaman ng hari na ang pinakamasarap ay ang tao! Gusto ako ng tao. Natutuwa sila sa akin. Pinapakain nila ako. Paano ko sila maililigtas?”



“Bubuyog, paano mo nalaman na ang tao ang pinakamasarap?”

“Tinikman ko sila ng dila ko.”

“Ang galing naman ng dila mo! Maaari bang makita ito?”

Inilabas ng bubuyog ang kanyang dila nang biglang “Aray! Aaaah!”

Sa isang iglap ay kinagat ng ibon ang dila ng bubuyog.



Naputol man ang dila ng bubuyog ay mabilis pa rin siyang nakarating sa hari. Sinundan naman siya ng layang-layang.

“Natuklasan mo na ba ang pinakamasarap na hayop?” tanong ni Haring Hanggarid sa bubuyog.

Subalit dahil sa putol ang kaniyang dila, tanging ingay na bzzz lamang ang kaniyang nagagawa, at hindi niya na masabi sa hari ang nais niyang sabihin.

“Ano ka ba! Hindi kita maintindihan!”



Lumapit ang layang-layang sa hari.

“Mahal na hari, ang pinakamasarap na hayop sa buong mundo ay ang ahas!”

Nagsinungaling ang layang-layang upang huwag kainin ng hari ang mga tao.

Ang ahas na kumakain ng itlog ng mga ibon ang kaniyang sinabi.

“Totoo ba iyan? Gusto ko nang kainin ang masarap na ahas.”



Simula noon, ang mga ahas ay naging pagkain ni Haring Hanggarid, pati kanyang mga inapo na mga lawin ay ito na rin ang kinakain. At ang layang-layang naman ay lalong minahal ng mga tao. Magpahanggang ngayon, ang mga Monggol ay natutuwa kapag may layang-layang na lumalapit sa kanilang tahanan. Ano sa tingin ninyo ang nangyari sa bubuyog? Ang mga bubuyog ay gumagawa lamang ng tunog na bzzz bzzz, at itinataboy ng mga tao.



In
collaboration with and generously supported
by Seoul Metropolitan Government, The Asia
Foundation, and MoneyGram Foundation.



USAID
FROM THE AMERICAN PEOPLE

RTI
INTERNATIONAL

ABC+: Advancing Basic Education in the Philippines



The Asia Foundation

This book was adapted as part of ABC+: Advancing Basic Education in the Philippines project.

ABC+ is a partnership of USAID and the Department of Education (DepEd), implemented by RTI International together with The Asia Foundation (TAF), SIL LEAD, and Florida State University (FSU).

This book was field tested by Shemaiah Jirah S. Torre and was reviewed by Neriza C. Pesigan.

This book was approved for publication by the Department of Education – Bureau of Learning Resources.

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.

To read more books like this and get further information,
visit: letsreadasia.org

Original Story

Ang Layang-layang at ang Bubuyog (*The Swallow and the Honeybee*). Author: CH.Molorgere.

Published by The Asia Foundation - Let's Read, © The Asia Foundation - Let's Read. Released under CC-BY-NC-SA-4.0.

This work is a modified version of the original story. @ The Asia Foundation, 2019. Some rights reserved. Released under CC-BY-NC-SA-4.0.



For full terms of use and attribution,
<http://creativecommons.org/licenses/by-nc-sa/4.0/>

Contributing translators: Nasema Zeerak and Dharyl Mae Degara